



Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

§. III. Comparatio applicatur iudicio, quod de diuinâ gubernatione ferre
debemus.

urn:nbn:de:hbz:466:1-13517

tiones omnes minutatim exigere nefas sit. abit itaque ad socios
lætus & alacer, iam pacatus censor, salutatoque comiter nau-
clero, non habet aliud quod reponat, nisi placidum illud, Age
prout lubet Magister rem tuam, & dum tuam agis, agis meam.
En, vt sola de nauclero concepta generati opinio, metus om-
nes sedat, tranquillitatemque animo inducit, quam singulorum
euentuum exquisitæ rationes, penitus perturbarant.

§. III.

*Applicantur iam dicta iudicio quod de diuina gubernatione
efformari debet.*

*Applicatur
nobis com-
paratio.
Conqueri-
mur de
mundi gu-
bernatione
quæ si te-
mperie age-
rentur em-
nia.*

Ignoscite si longior in comparatione exponendâ fuerim; nam non tam similitudo & comparatio, quām ipsissima rerum nostrarum est historia. Certè Auditores quamdiu in turbulentō hoc mari viatores sumus, exedimus nos ipsos superflua sollicitudine, eo quod euentuum quos videmus causas rationesque non percipimus: numquam non obmurmuramus, turbamurque nunc ob auræ aërisque intemperiem, nunc ob commerciorum infrequentiam, nunc ob temporis rerumque fatalitatem; modò displacent iij qui ad clavum sedent tum vrbis, tum Rei-publicæ, tum etiam priuatæ; modò bella accusamus tam publica regnorū, prouinciarumque, quām domestica, imò & quæ cum carne nostrâ, dæmoneque miseri gerimus; modò eos increpamus qui muneribus officisque publicis adhibentur, iniustos eos dicimus & incurios; modò superiorum iussa arrodimus tanquam præter rationem ordinata, tanquam nocia, tranquillitatique adueria, plurimasque de rebus omnibus hunc in modum querelas efformamus quotidie, quibus non mala emendamus, sed tantum exasperamus rem verbis, & quod peius est mentem nostram. Quid ergo agendum inquires? certè sors & transtra desere, eripe te è turbâ, permitte vñamque agere rem suam: mentemque turbatam vt sedes, intra cum Dauidē *Sanctuarium Dei*, certus ut D. Augustinus afferit *Nihil fieri sensibiliter & visibiliter, quod non de interiori inuisibili aula illius Imperatoris, aut non inbeatur aut non permittatur.*

Aug. 13.
de Trin.
c. 4.

Subi

14. Subi inquam arcānum Dei conclaue, & quod oculis non potes, mente perlustra. Videbis illico peritissimum illum totius huius machinæ Directorem Deum, antiquum illum dierum qualem Daniel conspexit. Videbis inquam incumbentem eum, oculisque coniectis in mappam, in quâ mortallum omnium, & tua imprimis, vitæ viæque, iam ab ipso exortus principio ad mortem usque singulorum, exactissime sunt descriptæ, disjectæ & compositæ. Videbat mappam hanc summo cùm silentio admirabundus David, & tandem, Quid hoc demum rei est inquit? Omnes via meæ in conspectu tuo, quin imò & dolor meus in conspectu tuo. An itaque mihi attendit æterna illa Mens, sapientia infinita en quâ exactè obseruata omnia, nihil eum latet, aut fugit. Tu cognovisti sessionem meam & resurrectionem meam; inscripsit nimirum mappæ vbi steterit nauis, quamdiu hæserit, rursus quando navigationem resumpserit, & quem tenuerit tramitem; denique Omnes vias meas preuidisti; non habeo præ stupore quod loquar. Et non est sermo in lingua mea. Ecce Domine tu cognovisti omniam nonissima & antiqua. & quod admirationem omnem superat, In libro tuo omnes scribentur. Neque vitæ cursus omnes tantummodo video describentem te, sed & tempora diesque secundum æternarum Ephemeridum Diuinæ leges, computantem & mensurantem conspicio. Ecce mensurabiles posuisti dies meos, mensuratos utique & expensos. Denique tanquam exactissimum nauis meæ gubernatorem, totum te video in solis altitudine capienda, ut pro variâ rerum hominumque constitutione & eleuatione, gratias dispertias, cursum dirigas, & cuncta ritè ordinatimque disponas. Quoniam secundum altitudinem celi à terra, corroborauit misericordiam suam. Totus hic hæreo, totus stupeo, & non est sermo in lingua mea. Illud tantum possum eloqui, mirabilis facta est scientia tua ex me, hoc est, ex solâ quam de me habes curæ consideratione, confortata est, & non potero ad eam. quidquid conor cogitatione assequi, hoc tantum assequor, assequi me non posse, nimis enim profunda factæ sunt cogitationes tue. Vir insipiens qualem me confiteor non cognoscet, & stultus non intelliget hec.
15. Quid igitur ages David, quò te vertes ad Deum meum inquit; illi me tradam animitūs, absque hæsitatione minimâ, & dicam, Age tu Domine prout agis, tantum Proba me Deus & scito cor meum, & cognosce semitas meas; & vide si via iniquitatis

Verum se-
cretū Dei
conclaue
subintrā
cum Da-
vid, Deil-
q[ui]tuis re-
bus quali
studentem
afbice.

Et nos tâ-
tim admi-
raberis
mundi gu-
bernatores,
sed & eius
in me

E

*consilii so-
rus acqui-
scet.*

in me est, & deduc me in viā eternā. Volebam ego perscrutari diuina consilia ; peslum opinabar ire omnia Pacem iniquorum videns : ideo moti sunt penē pedes mei ; Verūm cum subiui Sanctuarium Dei, dixi vide si via iniquitatis in me est, quam ego in aliis detestabar; verte tu vela, contrahe, expande, prout tibi collibitum fuerit Magister sancte : si via iniquitatis in me est, corrige, castiga, deprime, extolle, & vt facis deduc me in portum æternæ felicitatis.

*Acquiescē-
tia verò il-
la, Crudi-
cū tui sub-
missio, ex
admiratio-
ne ortum
habet.*

Vnde hæc tanta & tam subita in Dauide mutatio ? vnde in perturbato homine tam inexpectata iudicij submissio , vnde mentis tranquillitas tam quiescet an à Deo decretorum omnium seriem didicit, & rationum omnium pondera ac momenta? Minime vero. vnicam tantum generatim opinionem, eamque altissimam concepit animo de diuinâ in rebus Prouidentiâ, mirabilis facta est scientia tua ex me, & hæc suffecit. Neque verò ex particularium rationum explicatione, opinionem illam habuit : sed quemadmodum in viatore illo quem exposui, sola tabularum instrumentorumque Mathematicorum tam affabre, tamque accuratè in suos gradus partesque distinctorum inspectio , maximam de Magistri iis vrentis peritiâ & sagacitate, in eius mente opinionem excitauit, licet ea ipsa non intelligat; ita prorsus David, simulatque in Dei sanctuario eximia, quibus Deus, ad mundi machinam dirigendam, vtitur instrumenta admirabundus inspexit & luspexit, tantam de diuinâ sapientiâ concepit existimationem, vt liquidò exclamaret, *confitebor tibi quia terribiliter magnificatus es.* & vnde hoc colligis ? nimis quia *mirabilia opera tua & anima mea cognoscit nimis;* tanto enim artificio, tanta proportione confecta sunt instrumenta quibus vteris, tam concinna & pulchra, tanti denique pretij, vt amens plane sit qui de artificis ea conscientis industria & sagacitate prosus eximiâ , aut de operum quibus adhibentur symmetria & præstantia velit dubitare.

*Admiratio
iguer illa
excitanda
est.*

Ex hâc igitur admirandâ diuinorum instrumentorum fabricâ , nos eam quæ fiduciæ omnis tranquillitatisque fundatum sit, opinionem fabricare incipiamus.

§. IV.